

Na osnovu člana 12. Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08, 22/09 i 109/12), Zakona o privrednim društvima F BiH ("Službene novine F BiH", broj: 81/15, 75/21), Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH, broj: 12/03, 34/03 i 65/13), Uredbe o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine ("Službene novine Federacije BiH", broj: 20/16, 3/17, 9/17, 69/17 i 96/17), člana 19. i 20. Statuta JP Cesta Federacije Bosne i Hercegovine d.o.o. Sarajevo i Odluke Nadzornog odbora JP Ceste Federacije BiH d.o.o. Sarajevo broj: 01-03.2NO-6612-4/25 od 18.06.2025. godine, Nadzorni odbor JP Ceste Federacije BiH d.o.o. Sarajevo, objavljuje:

**JAVNI KONKURS/NATJEČAJ
ZA IZBOR I IMENOVANJE IZVRŠNOG DIREKTORA ZA
TEHNIČKE POSLOVE
JP CESTE FEDERACIJE BIH D.O.O. SARAJEVO**

I

Raspisuje se javni konkurs/natječaj za izbor i imenovanje izvršnog direktora za tehničke poslove JP Ceste F BiH d.o.o. Sarajevo.

Opis pozicije izvršnog direktora za tehničke poslove JP Ceste Federacije BiH :

- organizuje i koordinira poslove JP Ceste FBiH iz tehničkog domena, odnosno iz djelokruga Sektora za studije, projektovanje i građenje, Sektora redovnog i vanrednog održavanja, Sektora za upravljanje I zaštite cesta, informacione sisteme i sigurnosti prometa, Ureda u Mostaru te odjela koji su u nadležnosti Uprave a iz svog domena, u saradnji sa direktorom,
- sarađuje sa drugim izvršnim direktorom i rukovodiocima sektora;
- učestvuje u izradi srednjoročnih i godišnjih planova i programa JP Ceste Federacije BiH;
- prati i kontroliše realizaciju poslova i zadataka iz plana i programa JP Ceste Federacije BiH za tekuću godinu, predlaže i preduzima mjere u cilju uspješne realizacije istih;
- nadzire i provodi postupak javnih nabavki u skladu sa Zakonom o javnim nabavkama BiH i drugim propisima;
- učestvuje u pripremi cestovnih i drugih projekata i programa JP Ceste Federacije BiH;
- obavlja kontrolu ažurnosti i ispravnosti dokumentacije, koju je prethodno ovjerio nadležni rukovodilac sektora ili odgovorni izvršilac;
- analizira i izvještava o realizaciji projekata iz plana i programa JP Ceste Federacije BiH za tekuću godinu i izvještava Nadzorni odbor;
- analizira efikasnost i ekonomičnost rada u tehničkim organizacionim jedinicama JP Ceste Federacije BiH i predlaže mjere za poboljšanje rada istih;
- odlučuje o radno pravnom statusu radnika, zapošljavanju, raspoređivanju i otpuštanju radnika u skladu sa važećim zakonima i opštim aktima JP Ceste FBiH;

- obavlja i druge poslove u skladu sa važećim zakonima i Statutom JP Ceste Federacije BiH po osnovu odluka Nadzornog odbora i po nalogu direktora;

Mandat imenovanja izvršnog direktora za tehničke poslove JP Ceste Federacije BiH je četiri (4) godine sa mogućnošću ponovnog imenovanja u skladu sa Zakonom.

II

Kandidat je dužan ispunjavati sljedeće uslove:

A. Opći uslovi

- da je državljanin Bosne i Hercegovine
- da se na njega ne odnosi član IX.I Ustava Bosne i Hercegovine
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine i člana 12. Zakona o javnim preduzećima
- da nije osuđivan za krivično djelo i za prekršaj nespojiv sa dužnošću u Upravi društva, pet godina od dana pravosnažnosti presude, isključujući vrijeme zatvorske kazne
- da nije lice kojem je pravosnažnom presudom suda zabranjeno obavljanje aktivnosti iz nadležnosti Uprave društva
- da nije u sukobu interesa prema odredbama Zakona o sukobu interesa u institucijama vlasti Bosne i Hercegovine ("Službeni Glasnik BiH", broj: 16/02, 12/04, 63/08 i 18/12) i Zakona o sukobu interesa u organima vlasti u Federaciji BiH ("Službene novine Federacije BiH", broj: 70/08)
- Da ne podliježe ograničenjima utvrđenim odredbama člana 252. Zakona o privrednim društvima ("Službene novine Federacije BiH, broj: 81/15, 75/21)

B. Posebni uslovi

- visoka stručna sprema- VII stepen- dipl.ing.građevine;
- da ima najmanje 7 godina radnog iskustva na istim i sličnim poslovima od dana sticanja visoke stručne spreme od čega 5 godina na rukovodnim poslovima;

III

Prijava kandidata treba da sadrži kraću biografiju, adresu i kontakt telefon. Uz prijavu treba dostaviti originale ili ovjerenu fotokopiju dokumenata kojima se dokazuje ispunjavanje traženih općih posebnih uslova i to:

- **Uvjerenje o državljanstvu (ne starije od 6 mjeseci)**
- **Dokaz o stečenoj stručnoj spremi odgovarajućeg smjera**
- **Potvrdu ili uvjerenje o potrebnom iskustvu na rukovodnim poslovima, odnosno potvrdu ili uvjerenje o potrebnom radnom iskustvu u struci i na sličnim poslovima nakon sticanja odgovarajućeg stepena školske spreme koja je predviđena za radno mjesto**
- **Ovjerenu izjava kandidata da ne vrši funkciju u političkoj stranci**

- Ovjerenu izjavu da kandidat nije osuđivan za krivično djelo i za prekršaj nespojiv sa dužnošću izvršnog direktora za tehničke poslove u roku od 5 (pet) godina od dana pravosnažnosti presude, isključujući vrijeme zatvorske kazne
- Ovjerenu izjavu kandidata da mu nije presudom suda zabranjeno obavljanje dužnosti iz nadležnosti Uprave društva
- Ovjerenu izjavu kandidata da nije u sukobu interesa prema odredbama Zakona o sukobu interesa u institucijama vlasti u Federaciji Bosne i Hercegovine ("Službeni glasnik BiH", broj: 16/02, 12/04, 63/08 i 18/12) i Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH" broj: 70/08)
- Ovjerenu izjavu kandidata da ne podliježe ograničenjima utvrđenim odredbama člana 252. Zakona o privrednim društvima ("Službene novine Federacije BiH", broj: 81/15, 75/21)

IV

Za kandidate koji dostave tražene dokaze o ispunjavanju uslova iz ovog konkursa, JP Ceste F BiH će po službenoj dužnosti zatražiti dokaze o ispunjavanju uslova iz člana 263. a u vezi sa članom 248. Zakona o privrednim društvima ("Službene novine F BiH", broj: 81/15, 75/21).

V

Konkurs ostaje otvoren 15 dana od dana objavljivanja u "Službenim novinama F BiH" i u dnevnim novinama "Večernji list" i "Dnevni avaz".

VI

Neblagovremene i nepotpune prijave neće se uzeti u razmatranje.

VII

Prijave sa dokazima o ispunjavanju traženih uslova treba dostaviti lično ili poštom preporučeno sa naznakom "Prijava na javni konkurs za izbor i imenovanje izvršnog direktora za tehničke poslove JP Ceste Federacije BiH d.o.o. Sarajevo- ne otvarati", na sljedeću adresu:

JP Ceste Federacije BiH d.o.o. Sarajevo

Bosne i Hercegovine d.o.o. Sarajevo

Terezija broj: 54, 71 000 Sarajevo

Kontakt telefon 033 563 470

Neblagovremene i nepotpune prijave neće biti uzete u razmatranje.

VIII

Kandidati koji dostave svoje prijave će biti pismeno obaviješteni o ishodu konkursa, a priložena dokumentacija se neće vraćati.

Predsjednik Nadzornog odbora

Bojčić Nermin, mr.dipl.ing.